


www.BibleForChildren.org



Zenezi 6



Ã hã Nowéhé wasu'u. Ta hã ãne
si'ubdatõ i'ra norĩ nhisi mama
na ma tô 're hâimana: Sê, Cã,
Zafé. Nowé, sena na
i'uwaibaba na si, duré õne u'â 'Re
ihâimana u'âsi mono mreme


te te 're iwapari pese

mono na

si ma tô 're hâimana.



Duré isiré 're idahâimana za'ra
mono norĩ nhimi'manhaĩ
siwaprã, ma tô siwaprosi 'Re
ihâimana u'âsi mono ãma si
're mo.




Tawamhã 'Re ihâimana u'âsi
mono, ti'ai ãma uburé 're
idahâimana za'ra mono te
te da'a'madâ'â wamhã, ma tô
're idawasété za'ëtê za'ra
mono zép si ab'madâ. E marĩ

wa. Marĩ iwasété si
da te 're
'manharĩ za'ra
mono wa.




Tahawa te 'Re ihâimana u'âsi mono,
Nowéhé ma tinha ãne: — Uburé te
da'uprosi da, wa tô ãsima da'ãma
rowairébé. Tahawa wa za uburé pese
tô da'uprosi.



Duré ti'ai wa, uburé marĩ 're ihâimana za'ra
mono zama wa za uprosi. E marĩ wa. Ti'ai
ãma da te dasina 're irowamnarĩ za'ra
mono zé te te sina rosa'rúi u'âsi mono
wa, hâimo. Tahawa ma'ãpé wede
iwê 'mai'âri mono, uba're isa'êne
hã ãma asima
'manharĩ da.




Tawamhã 'ri 're wa'wa hã te za i'remhã
i'awa'õtõ mo. Duré te za wedewa'u tom na
isi'riti mono hã uburé i'anhito mo i'remhã,
duré Imana wawi rowi hawimhã.



Ãne za tawamhã uba're
'manharĩ pibuzé hã:
133 metru na isadarata
pibuzéb za'rata na,
duré 22
metru na

i'a're si'uiwa pibuzéb
za'rata na, duré 13
metru na i'manharĩ
pibuzéb za'rata na
hâimo hã.



Duré te za asa za'ra wa'aba
zéb da, duré uburé abaze
noĩ sazéb da hã ibâ na
i'a'rã'õ, ãma i'asaihuri aba
mono zéb da hã
si'uiwa na.




Tawamhã duré uba're za'êtê u abaze norĩ sipu'u pese
na te za i'anheme mo, uiwada pese na; si norĩ, duré
uburé di'i na 're inomro mono norĩ, uburé pese
ihâiba ré siré hâimana za'ra
da hã.




Tahawa te za duré ipoto mono bâ 7 na imro ré abaze iwē hã, ãma 're i'asaihuri aba mono da hã, uiwada pese na hã asiré i'mazasi za'ra. Te za duré misi imro ré iwē'õ inhizei'õ hã, ãma 're i'asaihuri aba mono õ da hã, ipoto mono bâ uiwada pese na asiré i'mazasi za'ra.






Tahawa, i'â pusi mono
wi sisõ'reptu da ma tô ti'ra
noĩ siré hã, timro siré, duré
tisan'i'aba noĩ siré uba're
'remhã ãzé.



A stylized line drawing of a building with a gabled roof and a window. The building is composed of several parallel lines representing the roof and walls. A window with horizontal slats is visible on the side of the building. The drawing is simple and uses only black lines on a white background.

Tô taha wamhã,
600 na Nowéhé ãma
iwahubzéb ãma, dia 17
maparane a'amoï ãma ma
tô ti'ai hawi ub're hã pu'u
mono. Duré hâimo â 're ihâimana
mono ma, ma tô hâiwa hã tãma
si'ridawa, we sisa'wari da hã.





Tawamhã ma tô tã hã ti'ai u tita'a,
40 bātâ 're, duré 40 mara na.




Â hã te hâimo si'rêi u'âsi.
Tahawa, te duré uba're hã â
nhisiwimhã 're wara u'â.




Tawamhã duré â watobro pese wamhã, ma tô uburé
êne i'rãihâ uptabi norĩ hã te te upsibi, ropâ. Uburé
ti'ai ãma 're ihâimana za'ra mono hã ma tô ai'utõrĩ
pese, pẽ'ẽzani ré 're inomro mono hã.




Tawamhã 'Re ihâimana u'âsi mono,
Nowéhé ãma, duré uburé abaze,
uba're wa isiré ihâimana za'ra norĩ
ãma, ma tô oto po're puru.



Tahawa rowa'u, ti'a nhisiwi te te â
wapõĩ mono da hã, ma tô tãma tinha.
Ãhã wa, ma tô duré apâ â're mono na
hã ãma sãna'rata.





Tawamhã bådâ 40 na
isi'utõrĩ ãma, ma tô Noé
romhâimana wana ré,
uba're na zanela 'ri
zadzâri te te i'manharĩ hã
'ridawa. Taha pari Nowé utu'u,
ma tô duré time, ti'ai
'ré zô te te 're
rob'madâ'â mono da.




Tawamhã a'amo isãna'reb ãma, bådâ 27 ãma, ma tã
oto ti'a hã ti'rã pese. Tawamhã te 'Re ihãimana u'ãsi
mono, Nowãhé ma tinha ãne: —Ma'ãpã,
aimro me, ai'ra norĩ me,
durã asani'aba norĩ
me uba're hawimhã oto
aiwairãbã aba.




Tawamhã Nowé, êtê za'ra hã ma tô 'manha, Uburé
Danhib'apito ma,
ãma tãma isõprubzé
te te ãma zata da.



Taha pari, si norĩ abaze
norĩ me, 'Re
ihâimana u'âsi
mono ma, iwẽ hã
ma tô nima norĩ si
'mai'âri za'ra. Tawamhã
ta norĩ hã ma tô êtẽ
za'ra nhisiwimhã tãma
zata za'ra.






Aima za'ra
wa'aba, duré
uburé abaze norĩ
hâiba ré 're ihâimana
za'ra mono norĩ ma,
ĩnhimiropisutu waihu'uzéb
da, wa za ĩte tãywaipore

hâiwa'a na te ãma
're ro'rahâri u'âsi.
Tãywaipore hã uburé
ti'ai ãma 're idahâimana
za'ra mono ma, te
iropisutuzé te wasu'u.





Tawamhã duré
wa hã hâiwa 'rã na
te 're hâiwa ubu
mono wamhã, duré
tãywaipore na te ãma
're ro'rahâri mono wamhã,
wa za ãnhimiropisutu zahi


te aima i'manhaĩ
za'ra wa'aba zém na
hã, duré uburé abaze
noĩ ma, te i'manhaĩzém
na hã ãma 're ãsipo're
pu'u za.




Ãne wamhã,
uburé ti'ai ãma
hãiba ré 're
ihâimana za'ra mono
norĩ te i'uproshi na
isahu da hã mare di za.



Tawamhã 'Re ihâimana
u'âsi mono, Nowéhé ma, i'ra norĩ
me, iwẽ te te tãma pisutu za'ra
sina, ma tô ãne tãma nharĩ za'ra:
— Ma'ãpé atébré aba oto,
asihudu norĩ wa'wa hã,
uburé ti'ai mono bâ te
te ropéi mono
da.



Nowéhé 'ra norĩ,
uba're hawi isiré iwairébé norĩ hã,
Sẽ, Cã, duré Zafé (Cã hã, Cana'ã
na isisi mama.). ã norĩ si'ubdatõ hã
Nowéhé 'ra norĩ. Tawamhã taha
nhihudu norĩ hã ma tô uburé
ti'ai mono bâ te te ropé.



'Re ihâimana
u'âsi mono ma, tãma dazawi pese uptabi
wa, ma tô ti'ra hã misi nherẽ, we tisõ,
dazada dâ'â da. Tawamhã i'ra, da te
dasina 're umnhasi za'ra mono wamhã,
dadâ'â ãna te za hâiwa ãma i'rata
're dasi'ubumroi u'âsi.
Ropipa ãma isiti 're
dasi'ubumroi
mono õ
di za.



Roma 3:23

Uburé te dawasété na a'uwẽ mono bâ 're danomro. Tahawa, te 'Re ihâimana u'âsi mono 're imoĩ wẽ uptabi zém nhiti 're dahâimana za'ra, 'râwi da te dasina 're tété waihu'u za'ra mono ãna.

Roma 6:23

Dawasété na si 're idanomro mono zé wa'rãmi, te za dadâ'â u'âsi ne 're dahâimana za'ra dapẽ'ẽ 're, 'Re ihâimana u'âsi mono nhiti. Wanhîb'apito Cristu Zezusihi ãma si 're danomro mono wapsi, te za 'Re ihâimana u'âsi mono hã sôpru wa, te te dama 're apisutu, i'rata 're idahâimana u'âsi za'ra mono zéb da hã, asa tãma 're idasiwa'âbâ za'ra mono zéb zô, sina 're simnhasi mono ãna.



Hebreu 9:27

Misi haré te za aihĩni 're dadâ'â za'ra. Taha parip si te za 'Re ihâimana u'âsi mono hã niwapsi da'awaihu'u, dawẽ na duré dawasété na zama, taha zarina te te oto dama 're arowairébé mono da hã.

Éfézu 2:8,9

'Re ihâimana u'âsi mono te te 're asawi pese za'ra wa'aba mono zéb zarina, ma tô asõ'reptu za'ra wa'wa, Wa'anho'reptui'wa hã asina 're i'umnhasi za'ra wa'aba mono zéb zarina. Asi'uihâ na 're asisõ'reptui waihu'u za'ra wa'aba mono õ di. Sõpru wa, ma tô Wamama hã aima ãma uwaimrami za'ra wa'wa, asõ'reptu za'ra wa'aba zém na hã. Marĩ hã ahâ na 're 'manharĩ wẽ za'ra wa'aba mono nherẽ, taha zarina te te 're asõ'reptu za'ra wa'aba mono õ di za 'Re ihâimana u'âsi mono hã, 'râwi asi'ãma wa'aba 're ai'maiwata aba mono tõi da, asi'uihâ na asi'manho'reptui wa'aba mono dai õ wa.



Roma 10:9,10

Zezusi hã Asib'apito uptabi na, asadawa na danho'a 're sisi za'ra wa'aba mono wamhã, duré 'râwi aipẽ'ẽ 're, 'Re ihâimana u'âsi mono, Zezusi te te ihâiwa'utuzém na, 're sazei pese za'ra wa'aba mono wamhã, tawapsi te za te te 're asõ'reptu za'ra wa'wa, 'Re ihâimana u'âsi mono hã. Zezusi hã wapẽ'ẽ 're, wa te wasina 're i'umnhasi za'ra mono zém na, 'Re ihâimana u'âsi mono hã te te 're iwa'awěsãmri mono zé hã. Zezusi hã Wanhib'apito na danho'a, wa te dama 're isisi za'ra mono zém na, 'Re ihâimana u'âsi mono te te 're iwa'anho'reptui mono zé hã.



Zuwã 3:16,17

'Re ihâimana u'âsi mono ma, tãma dazawi pese uptabi wa, ma tô ti'ra hã misi nherẽ, we tisõ, dazada dâ'â da. Tawamhã i'ra, da te dasina 're umnhasi za'ra mono wamhã, dadâ'â ãna te za hâiwa ãma i'rata 're dasi'ubumroi u'âsi. Ropipa ãma isiti 're dasi'ubumroi mono õ di za. 'Re ihâimana u'âsi mono ma tô ti'ra hã we satõ ti'ai u, te te 're da'anho'reptui mono da. Te te 're da'ahâ za'ra mono da, we te te satõrĩ õ di.



1 Zuwã 5:11-13

E niha 'Re ihâimana u'âsi mono hã, ti'ra te te dama 're iwaihu'u mono zé hã. Ta hã ma tô te te wama 're apisutu, i'ra wazada idâ'âzém na ãma 're iwanomro u'âsi mono zéb da hã. Ni'wam norĩ hã 'Re ihâimana u'âsi mono 'ra siré, 'râwi 're nomro mono wamhã, ta norĩ hã te za dâ'â ãna 're hâimana u'âsi za'ra, 'Re ihâimana u'âsi mono 'rata. Tane nherẽ, ni'wam norĩ hã 'Re ihâimana u'âsi mono 'ra siré 're nomro mono õ wamhã, ta norĩ hã i'rata dâ'â ãna 're hâimana u'âsi za'ra mono õ di za. E marĩ da, wa ãne aima rob'ui'ééré za'ra wa'wa, 'Re ihâimana u'âsi mono 'ra, asina 're i'umnhasi za'ra wa'aba mono norĩ ma. Aipẽ'ẽ 're, atâ'â ãna 're anomro u'âsi aba mono zém na sena na asina waihu'u pese za'ra wa'aba da, wa ãne aima rob'ui'ééré za'ra wa'wa.



Zenezi 6 – 10

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Xavabte Bible (xav) © 2011, Wycliffe Bible Translators, Inc.
All rights reserved.

<https://www.bible.com/bible/683/GEN.1.XAVBP>

<https://live.bible.is/bible/XAVTBL/MAT/1>

©2026 Bible for Children, Inc.

www.M1914.org

www.bibleforchildren.org

